

ممالك عثمانیه ده سنه لکی (۶۵)، آلی
آیلی (۲۵) غروشدور .
ممالك اجنبیه ده سنه لکی (۱۷)، آلی
آیلی (۹) فرانقادر .

ناب عالی چاده سنده دائره مخصوصه

آبوتہ بانی پشیندر .

§
مسئله موافق آکار مع المحتویہ قبول
اولنور . درج ابدلہ من یازیلا عاده
اولونماز .

1 2 3 . 4 5 6 7

دینی ، فلسفی ، علمی ، ادبی ہفتہ لائق مجموعہ اسلامیہ در .

باش محرد
محمد عاكف

صاحب و مدیر مسئول
اشرف ادیب

واللّٰه يهدي من يشاء الى صراط مستقيم

اتبعون اهدكم سبيل الرشاد

أخطاؤك

رسالة مفردهن آلفنديجي كوسترملك شمرطليه
بتون يازيلار هر هانكي برغنه طرفندن
اقتباس اولونه بيلير .

مکتوبلرک، امضالری واضح و اونا قو قلی
اولسی و آبونده سره نوسوسنی محتوی
بولونسی لازمدر .

ممسالك احببیه ایچون آتونه اولانلرک
آدرسارینک قرانسیزجه ده یازلمسی رجا
اولشور .

پاڻ به ڪو ندرندڙ ڪي زمان ته به دائر اولدي هڪ
واضحاً بيلڊر ميسي رجا اول نور .

آناك اشيكی دكدر . ایکی درجه نك آراسی یوز ییلدر .
بو حدیث شریف نسائی حدیثلرندندر .

حدیث شریف

ارموا وارکوا وان ترموا احب الی من ان ترکوا کل شیء یلهد
به الرجل باطل الارمی الرجل بقوسه اوتادیبه فرسه اوملاعبه امرأته
فانهم من الحق ومن ترك الرمی بعد علمه فقد كفرالذی علمه

مآل شریفی

(نشان آلوب) حیوانده ینکیز . مع مافیه نشانجیلغکز بکا
سواریلکککز دزده خوش کلیر . انسان اویالاندینی ملاهینک کافه سی
باطلدر ، یالکیز انسانک یایندن اوقی حواله ایتسی ویا حیوانی تربیه
ایتمه سی ویاخود زوجه سیله اویناشما سی مستنادر . بونلرک اوجی حق
اولان ملاهیدندر . هرکیم اوق آتانی اوکر ندکدن صوکره ترک ایدرسه
کندیسنه تعلیم ایدنه قارش کفرانده بولونمش اولور .
بوحدیث شریف عقبه بن عامرالجهفی روایتله مسند امام احمد
بن حنبل ، مسند شافعی ، جامع ترمذی ایله بهیقینک شعب الایماننده
مذکوردر .

حدیث شریف

ان الله عزوجل یدخل ثلثة نفر الجنة بالسهم الواحد : صانعه یحسب
فی صنعته الخیر والرامی به ومنبله .

مآل شریفی

الله عز وجل حضرتلری برتک اوق یوزندن اوج کشی بی جنته
صوقار : صنعتده خیر یعنی جهاده یاراماسنی نیت ایدن صنعتکارینی ،
اوقی آتانی، برده اوق آتانیکن یاننده طوروب اوقلری برر بر کندیسنه
ایله تن کیمسه بی .
بوحدیث شریفکده راویسی عقبه بن عامرالجهفی در . مخرجلری
امام احمد بن حنبل ایله نسائی در .

احمد نعیم

ادبیات

ملحدله قارش

« اعجاز قرآن ، تاریخ ادبیات عربیه ، حدیث القمر کی جدأ قیمتی
وامثالسر اثرلر تألیف بوپوران . هرک اک بویوک شاعری ، اک لطیف البیان
محرری مصطفی صادق الرافعی حضرتلرینک یوز بیکرجه نسخه طبع و نشر
ایدیلن « حدیث القمر » کتاب مشهورندن بر پارچه : »

ای قر ۱ بو لحظه ده زمانک توقف ایتدیکنی ، ابدیتدن بر قطعه
نابته یه استحالاه ایتدیکنی تحیل ایدیورم . اورایه هرشی ، حق زمان

بیله ، اولدکدن صوکره کیرر . اونک بک طانی بر حیات ، دها طانی
بر ممت ایشار ایدن متبسم دوداقلرینک نور صاچان شعله لرینه کومولمک
ایستهم . لیکن نه چاره که اجمال ، محبت بو درجه مسعودانه بر اولوی
روا کورمز . هر عاشقک روحی بر بوسه ایله چرتوب کینمش
اولسه ییدی ، یاخود بر ایتسام سحرک اشعه نورا نورنده اوچسه ییدی ،
دها طوخوروسی باب سهاک کلیدی بورقیق غنچه قم اولسه ییدی ؛ قلب
بشرك نظامی ده گمیر ، آنک هر ضربه سی دنیا ایله آخرت آره سنده کی
مسافه نی قطع ایدن سریع بر خطوه اولور . محبت حیات برینه محبت
ممت قائم اولوردی . فقط جمال ، دائماً بخیلدر ؛ چونکه آخرت دائماً
بعیددر . محبت ایسه دائماً بر عذاب اوله رق باقی در ؛ چونکه جمال
محبت حیاتک ماده سی در . ذاتاً ارض اوزرنده بو بدایع اولسه ییدی ،
الهی طایفه جق ، آنک وحدتنه اینانه جق هیچ بر عقل بولونه مازدی .
چونکه اوبدایع حقیقته منطلق الهینک ایلک محائف اقناع و اعجازیدر .
ملائفه ملحدینی کوز اوکنه کتیرنجه کورورزکه ؛ آنلرک الهی انکارده
اک زیاده یاری کیده نی جهالت زاهت وعفته اک بویوک دشمن اولانی درا . .
نه چاره که اونک اشعه ایتسامنده سایه جیقه مادم . بالمکس اونک
او ایتسامی قلبی احاطه ایدنجه سیاه بر بولوط اری یه اری به ناسیه
بیاض بر سحاب اولورسه قلبمکده اویله جه ذوبانه باشلادیغنی حس ایتدم .
باقی سن ده ای قر ، کولیورسک . صانکه او دلبردن قیصقانیورسک .
بریکز سهاده ، دیکریکزارضده جهالت ، محاسنک اک شمزللی معناسی
تمیل ایدیور .

ایشته شیمدی بولیل اضطرابک آغوشنده اویویان نسیم
روحناوز ، کل فدائیلری اوزرنده اویانه رق ، بوی معطرله سنک
شعاع دلفریبگده بیقانیور . آه او نورل صاچان شعله لر بنم آلولی
جکرلرمک آتشی نه قدر خفیفلشدیر یور ۱ او جکرلرک روحلری
تحلیل ، نه مقدارده خیر و شر ایله ممزوج اولدیغنی تقدیر ایدن
بر معمل کییاوی حالی آلدی . اویله بر تحلیلات که نتیجه سی سراپا
حکمت در . ذاتاً آتشین قلبلرک طبیاعی آ کلابه مایان ، قلباً جاهل
اولور . ولوکه دماغی بوتون علوم ایله مملو بر کتبخانه تشکیل ایتسون .
قلب جاهل اولونجه طبیعتک سلطان حقیقیسی مفقود اولور . او
سلطان که نه بوتون علومک غایه سی اولان قوت ، نه بوتون احوالک
غایه سی اولان تسخیردر . چونکه هر حالده طبیعت دها قوی ، دها
نا قابل تسخیردر . ولوکه انسانک نقطه نظرندن مسخر کورونسون .
هوانک طبقاتی یاره رق یوکسه لن بر طیاره نك طیرانی ، هواجه
بادی تعجب اوله ماز ، چونکه اصغر مخلوقات اولان سینسکارده اوجیور .
ساح بر اطه دینه جک قدر جسم بر واپورک سطح بحری یاره رق
سیرانی ، دریاچه هیچ در . چونکه اک کوچک بالیق اونک فورطنه لری
قارشیننده دها ثابت ، دها متحملدر .
طبیعتک سلطان حقیقیسی ، روحک ساطانی در ، که الله در .

ایشته ملحدلرک فساد ایمانه اک قوی برهانلری اودرجه ضعیفدرکه کندیلرینه اک بلیغ جوابی تشکیل ایدر . الحادک فسادینه اک قوی برهان ملحدک بر انسان عقلنه ، عینی زمانده برجانوار قلبنه مالک اولمسی در .

دها سوکرا اونلر بزه دیورلرکه : « علم فلانی اثبات ، فلانی نفی ایتدی ، دینده بویله . بونلرک آره سنده متردد قالمایکنز . ایسی می ، علمی ترجیح ایدیکنز . چونکه آکلایه بیلدیکنز برشی آکلایه مد- یغکزدن دها اولادر . علمک قبول ایتدیکنی گوش اذهانکنزه صیغدیرمایکنز . . یوقسه جهل اصطلاحی ایله اتهام اولنورسکیز ... اکر فقیر برسوسیالیست اولورده باشقه سنده میلیونلرک موجود اولدیغنی ایشیدیرسه کنز اینانمایکنز . چونکه سوسیالیزم بونی قبول ایتمز . الحاصل دائما کوروکیز ، هیچ اینانمایکنز ... اکر انسانی اک بسیط ، اک عادی اشیایی تعلیل ایتمکدن عاجز کورپورسه کنز انسانک علم نقطه نظرندن حالا هنوز ناقص اولدیغنی بیلکنز . علم استقبالبده کماله واصل اوله جقدر . شیمیدیلک ناقص برکفر سزه کافی در ...

« صاقین کفرک نقصانی ایمانک کالندن انبعث ایتدیکنه قائل اولمایکنز . خاییر ، خاییر ! کفرک نقصانی ، علمک نقصانندن ایلرو کیشدر . علم برکون تمام واکون اک بویوک عالم اک مدهش کافر اوله جقدر . کرچه بز استقبالدن بی خبرز . اما علمک ذروه کماله واره جغنی بیلپورز ... ای زمره باعیه ! برسینک خلق ایدمهین علمکزمیدرکه : بزى انکار خالقه سوق ایده جک ؟ او علمکزکه : برسینکی کورونجه آنجق ناصیل یارادیلدیغنی درلو درلو فلسفه لرله آکلا تمیه قویولور . اوت ، او علمکزکه : فایه سی اک درین جهالت در . او علمکزکه : کائناتک انتظامنه برتفسیر همیلدن باشقه برشی دکدر . او علمکزکه : بشریتک سر اعظمی اولان قلبی انتظامسز براقیور .

خاییر ، خاییر ! علم بوکا دلالت ایتمز . عالمده بونی کشف ایدمهین . فقط بفرقه ضاله قلبی ضعیف لشدیره رک عقلی قوتلندیرمک ایسته دی . بوغایه سنده نائل اولدیغنی ظن ایتدی . بیلمدی که اوقوت هم قلبدن ، هم عقلدن محو اولدی و منطق کتابلرنده کی قوت علمیه مشابه برحاله تحول ایتدی .

آنلرک زعمنجه فکر سر بستلشدی ، بوتون قیدلردن ازاده اولدی . دیمک ایسته یورلرکه : « دین فلسفی نک حقیقی حریت در . » اوغافلر بیلیمورلرکه حریتک حقیقی فلسفه دین در .

بعض وحشیلر براللاهک موجودیتنی اقرار ایدرلر . عینی زمانده اوللاهک الهی اولق ایستلر . ملحدلر ایسه بونلردن دها آلجق درکه ده درلر . چونکه اونلر الهی تمامیه محو ایتمک ایسته یورلر . وحشتک اک اشاعی مرتبه سی ده بودکلی در ...

مصری

عمر رضا

برطیعت ایسه یقدرتده برآلت در . انسان ایسته دیکی قدر دوداقلری ا- طلاحات علوم ایله ملور کنجینه یاسون ؛ طبیعت او حروفک مدلولاتی ایله هیچ متأثر اولماز . فقط انسان قلبی حس فضیلت ایله طولدورسون ؛ اووقت طبیعت کمال خشوع ایله اوکا منقاد اولور .

طبیعت : اک بویوک عالمی ؛ آغزندن اصطلاحات فیه ، اختراعات علمیه دوکولیورکن ؛ بزم بر جوجفک کوندوز مغاره ده کیزله ن خفاشلری قوالادیغنی سیرمنکی ؛ سیر ایدپور . بوعلومک انسانلر ایله الله آره سنده کی مناسبات اوزرینه تأثیراتی : برفقیرک رؤیاده کنسینی صاحب ثروت کوره رک اویاندقندن سوکرا اوقوجه ثروتدن بر بارچه اکمک آله جق قدر بر باره بوله مامسنک ، آج قالمسنک ایراث ایده جکی تأثیراتک عینی در .

الله نیته کوره معامله ایدر . دفتر حسنات ایسه ارقام قلبیه ایله ملودر . براق ، شومدنیت ، شو علوم ، فضیلتی بوتون قلبلردن صیورسون . نتیجده عالم حیوانلرک جاهل حیوانلری یوتدیغنی کوره جکیز . اوکون طبیعتک دیده امعانی وحشی حیوانلرک روحلری ، پنجه لری ، دیشلری ایله عالم انسانلرک کتابلری ، الاری ، قلملری آره سنده برفرق کورمیه جکدر . ایکیسی ده بهیمی بروطفیه نک ابکم آلتلری اوله جق ، که اوده : هر وسیله ایله یاشامق !

بز بو عالم حیوانینک صورت صغراسنی جماعت ملحدینده کورپورز . اونلرک ادما وافتخار ایندکلی بوتون فلسفه و علملری بر برینه متداخل بر جوق شیلره دلالت ایلر ، که هیمی برمغاده اتحاد ایدر : الوهیتله استهزا ایدن قلبلردن فضیلتی سیلوب سوپورمک !

برملحدک فضیلت نثری ایچون چالیشدیغنه هیچ اینانه مام . اونلردن اوله برشی صادر اولور - مطلقا الحاد بشریلرینی اثبات ایتک ایچوندی ، که بوصورتله هم الله کفر ایدر ، هم بر صفة الهی تقلیده چالیشیلر .

الحاد ، غرور واهام ایله مترافقدر . غرورسز ، واهامسز بر الحاد ، بر محنوده عقل ، یاخود برعقلده جنون بولونماسنه بکیزر .

ملحدلر فلسفه روحیه یه ، دینه اینانماق ایسته یورلر . فقط عینی زمانده بوفلسفی اثبات ایده جک فکرلرده ، استخراجانده بولونیورلر . آنلر بزه دیورلرکه : « بز ارض اوزرنده بز . دائما ارضه باقم . کوزلرمزی سمایه جذب ایدن قوتی محو ایدم ؛ تاکه دماغمزه کی علملر آیاقلریمک آلتده سورونسون . شایدسما باشمزه رحمت یاغدیسه بونی واهب الحیات ورب السماواتدن بیلیمیه لم . چونکه ارض اورحق نهرلردن طولایله جق ، ماده ناصیل ماده دن فیشقیرسه حیاتده ارضدن اوله فیشقیرمحق ؟ . . » دها سوکرا بوکلمات بوغازلرنده اریر ، یوتقونمه یه باشلارلر ، نهایت صوصارلر . صانکه کوزلری بویوک بر بلاغته دیرکه : « اکر هوایی ارضدن تنفس ایتیه چاره یوقسه ساده برونلرکز رب السماواته ایمان ایتسون . »